

بنت اللدّينا

إيه يا دنيا؟؟

جبتي آخرك ولا لسه

ماشيه ليه اليوم بخمسة

كل م انسي وأقول أصالحك

ألقي طبعك كله خسة

ايه يا دنيا

قاسية وبتاعت مصالح

مرمطى قلب ال صالح

بيعى واشترى تانى فينا

لجل ما نجيك نصالح

وان نسينا....فكرينا

ما انت غدرک زاد علینا
قلبنا یطبطب علیکی
وانت مش قابله تراضینا
ایه یا دنیا ..

ایه یا دنیا ولیه غبیه
بتهادینا الحزن غیه
لوعینا ... وهدی فینا
خلتینا احنا الضحیه
لیة یا دنیا ؟؟

بحلف ان اعند معاکي
أكسر السم ف هواکي
و ان قالوا لی كنت طیب
مش هیطیب....
هجرک ...

ولا أكون دواكى !!
دنيا دى بنت اللذينا
شائلة...حاطة كتير علينا
لو شافتنا بنبكى منها
هيا راح تضحك علينا
كل مرة تزيد عناها
تجبرك تعشق بعادها
تهدي دايماء ليك عذابها
مرمطت أجدع ما فينا
دنيا حافظة كتير حاجاتنا
حاطة مناخيرها ف حياتنا
وان ضحكت معاها ليلة
تانى يوم بتزيد آهاتها
وان صاحبت الفرحة فيها

تجرى بالأحزان علينا
دنيا غدارة ولنيمة
توهمك أنك حبيبها
تحضنك وتقول...قريبها
تملا كل اليوم غناوى
وان غفينا عنها ليلة
تسرق النور من عينا
هيا دى بنت اللذينا
طب ما تضحك وتعاندها
فيها اية لو تبقى سيدها
ليه تملي نكون عبيدها
لما هيا ...
لحظة و تضيع من ايدينا
و آه يا دنيا !!